



*Senin, 02 Oktober 2023*  
**Ogen : Matius 5:38-42**



*Ola Erbalas*



**B**as Undang-undang Jahudi lit si igelari *lex talionis*, mata ganti mata, ipen ganti ipen. Adi lit kalak ersalah, ia iponis ras iukum sue ras perbahanenna. Adi kin ndai salah ia erbanca penggel tanna, maka tanna pe ipenggelken, rsd. Tapi kinata si e erbanca mbue ukur cedar ras legalitas nandangi pembalasan dendam. La ngena ate Tuhan.

Tuhan Yesus ngajarken ukum si la seri ras ukum balas dendam. Ia ngajarken sada cara ngalaken situasi alu hukum kekelengen. Adi lit kejahatann si jadi, kekerasen si terjadi ula balas kekerasen alu kekerasen, kekejamen alu kekejamen, tapi erbalas alu versi ngkelengi. Kekelengen i jenda igambarken Tuhan Yesus. Sipemena, *iparap kalak kurum kemuhen, bere kurum kawes*. Sipeduaken, *adi morah ate kalak bajundu, bereken cabinndu*. Sipelueluken, *ipaksa kalak maba barang 1 km, babalah 2 km*, sipeempatken, *adi mindo kalak bandu berekenlah*. Arah enda lit kap sada bentuk pengajaren maka sehken man kalak setimpal ras perbahanen. Bahkan lebihkenlah kekelengenndu i bas ia ngelakoken salah.

I bas dunia hukum si enda nggo iterapken. Maka kalak iukum labo bali ras perbahanenna, tapi setimpal, seri beratna ukumen e, desken perseri ayo kemuhen ras si kawes, baju ras cabin. Pengajaren ola erbalas ningen e, labo ertina kita mbuni-mbuniken kesalahen. Tapi pentar i bas ngalaken situasi si mengancam keamanen ras kesejahteraan. Ola balas kejahatann alu kejahatann, tapi bahan maka i bas kesalahenna idatca kesadaran ras dalam jera i bas si salah nari.